

FVR IÆ
PRAEDICAN-
TIVM AVGVSTÆ VIN-
DELICORVM QVINTVM
EVANGELIVM EVANGELI-
ZANTIVM

Ob

EXAMEN RELATIO-
NIS CAMBILHONICAE, IN IA-
COBVM GRETSERVVM & CONRA-
DVM VETTERVM, Societatis IESV
Sacerdotes, excitata & irri-
tata.

NVNC AB IISDEM
Citharâ Daudicâ iterum pacatæ &
placatæ.



Cum gratia & priuilegio sacrae Cæs. Maiest.

INGOLSTADII,

Ex Typographico ADAMI SARTORII.

ANNO M. DC. X.



Paulus lib. 5. Recept. Sententiarum Tit. 4.


In eos Auctores, qui famosos libellos in contumeliam alterius proposuerint, extra ordinem usque ad relegationem in insula vindicatur.

Maledictum, denique conuitium publicè factum ad iniuriæ vindictam reuocatur; quo facto condemnatus famosus efficitur.

Non tantum is, qui maledictum aut conuitium ingesserit, famosus efficitur, sed & is, cuius ope consilioque factum esse dicitur.

L. Item apud Labeonem. ff. de iniuriis. Ait prætor: QUI ADVERSVS BONOS MORES CONVICIUM CUI FECISSE, CUIVSVE OPERA FACTVM ESSE DICETVR, QVO ADVERSVS BONOS MORES CONVICIUM FIERET, IN EVM IVDICIUM DABO.

INSTRV-



INSTRVCTIO LECTORIS DE ORIGI- NE ET CAVSSA HVIVS CONTROVERSIÆ ATQVE SCRIPTIONIS.

DE Israëuitarum Rege Saule & B. Dauide scriptum est lib. 1. Regum cap. 16. *Quandocunque Spiritus Domini malus arripiebat Saul, David tollebat citraram, & percutiebat manu sua, & refocillabatur Saul, & leuius habebat, recedebat enim ab eo Spiritus malus.*

Quod Dauid olim fecit; idem & mihi nunc faciendum video. Arripuit malus Spiritus Prædicantes Augustanos, Spiritus, inquam, furoris, insaniz, mendacij, calumnia, lœdoriæ, clamant, vociferantur, boant, tonant, fulminant: Et in me, ac P. Conradum Vetter, non vnam, vt Saul in Dauidem

A 3 dem

1. Reg. 18.
 & 19.

dem; sed plurimas immensæ furie & maledicentiæ lanceas vibrant. Quæ causâ tantæ mania? Attende, mi lector, & intelliges.

Edidi superiore autumno contra famosum quendam libellum, qui hoc titulo latine & Germanicè sturnatim circumferebatur; *Relatio de studiis Iesuitarum abstrusioribus*; breuem Apologiam latine, quam mox in Germanicum sermonem cōuertit P. Conradus Vetter; ut quia Relatio utraque lingua legebatur; Antipharmacum quoque, quod paraueram, tam latine doctis, quam Germanicè duntaxat peritis, vsui ac emolumento esset. In ea Apologia, *Relationis*, sine nomine Auctoris publicatæ, arcana nonnulla patefeci, ut Autorem, *Ioannem Cambilhonem*, & patronos, quibus Relatio ab Autore dicata & consecrata fuerat, nimirum Prædicantes Augustanos, seu venerabile presbyterium Euangelicum Augustæ Vindelicorum (his enim verbis Prædicanticus cliens Cambilhon vsus est.)

Et quia Relatio ista nihil aliud est, quam libellus famosus, imò famosissimus, atrocissimè in famam, nomen & existimationem totius Societatis nostræ debacchans, eaque crimina & flagitia nobis affingens, quæ vix in sceleratissimum & facinorosissimum

mum, omniumque bipedum postremum nebulonem cadunt; minus facere non potui, quàm ut ostenderem, quas pœnas leges Cæsareæ veteres & novæ; item Francicæ, sacrique Canones talium chartarum scriptoribus, auctoribus, fautoribus, patronis, & disseminatoribus decernant. Quorum lectione attoniti prædicantes, deque incolunitate, capite & vita sua, si ex legum præscripto agatur, actum esse cernentes; furere, & altissimis vocibus scripto Germanico in vulgus sparso, intonare cœperunt: *Gretserum* eiusque Interpretem *Vetterum*, esse famosi libelli archirectos; *Gretseri* Apologeticum, nihil aliud esse, quàm ein schändliche ehrentürige schmachtschrifft. *Vtrumque* Iesuitam commeruisse, omnes illas pœnas, quas leges civiles & Ecclesiasticæ in alienæ famæ pradones sanxerint: *Gretserum* & *Vetterum*, & cum illis alios Iesuitas sat luculenta indicia dare, quàm sint turbulenti; quàm seditiosi, quàm cupidi, ut in fontium sanguinem effundatur.

Quo Prædicantes perinde faciunt, ac si fur, latro, adulter, in manifestario furto, latrocinio, aut adulterio deprehensus; & quod supplicium mereatur, legibus in medium prolatis, admonitus, vociferari inciperet: non se, sed admonitorem illum suum esse suum, latronem, adulterum. Non se; sed illum, à quo

deprehensus sit, pœnas à legibus, furi, latroni, adultero constitutas pendere debere: non se, sed eum, à quo perspicui furti, latrocinij, adulterij postulatur; in crucem & rotam agendum, & ceruicæ recisa decurtandum esse. An non esset hæc egregia sui purgandi, tuendi, & seueritatē legum declinandi ratio? Atqui nec coruus coruo in erocitando; nec cornix cornici in cornicando tam similis est; quàm similes sunt in sui defensione & excusatione Prædicantes Augustini, ei, quē dixi, deprehenso furi, latroni, adultero, quorum in nos & ordinem nostrum conuicia & maledicta, ego & P. Conradus susque deque habemus; probegnari & diuturno tempore edocti, ex Prædicanticis pharetris non depromi alia, quàm vipereæ linguæ spicula.

Quibus amore eius, qui propter nos improprium & abiectio plebi factus est, omisis, iustoque iudici ac vindici commissis, ego, arreptâ Davidis citharâ, num Spiritū malum, quo Prædicantes miserabiliter exagitantur, tranquillare, vel potius penitus expellere queam, tentabo: Etsi vix mihi promittere audeo eum, qui Davidicæ citharæ obtigit, effectum & successum. Illum potius lancearium exspecto, de quo paulò suprà ex lib. i. Reg. c. 18. & 19. Confido tamen
missi-

missilibus Prædicanticis id euenturum,
quod accidit vibratæ lanceæ Saulis: *Nisusq;
est Saul configere David lancea in pariete; & de-
clinavit David à facie Saul: lancea autem casso
vulnere perlata est in pariete.* Vt cunque tamen
conatus cadat: fides canoras intendere, &
hunc furem atq; insanientem spiritum
pacare & placare pro viribus oportet. Si
fortior sit, quàm vt cedat, laudem merebi-
tur, si non efficiendi facultas, at certè be-
nefaciendi voluntas. ,

Ex toto contumeliarum aceruo & indi-
gesta maledictorum struice duo quædam
argumentula elucere video, quibus Prædi-
cantes nobis persuadere volūt, se labis pu-
ros ac integros, ac proinde nullius pœnæ
infamatoribus decretæ reos esse. Alterum;
*Relationem Cambilbonicam non esse libellum fa-
mosum.* Alterum, *Eandem Relationem se insciis
in lucem prodiisse.* Ad vtrumque, si breuiter
respondero, ruet inq; nebulas evanescet,
quidquid bilis & furoris malus genius

Prædicantici huius ministerij
in chartas euo-
luit.

A 4 RE-

Relationem Cambilhonicam esse libellum famosum.

COpiosè hoc monstraui in Apologia cap. 2. Ad quæ nihil Prædicantes, solo silentio rem transigunt: si tamen silere, est refellere. Et quamuis actum non libenter agere soleã, cum supersint agenda alia non pauca nondum acta, in quibus tempus & otium fructuosè collocetur, & insumatur; hic tamen *ex superabundanti* idem ostendam ex definitione libelli famosi.

Est enim præter iuris & æqui ritum sparsa scriptura, seu charta, qua quis proximum infamat, eique bonum nomen & existimationem, obiectu criminis vel criminum, ademptum tendit. Si hæc libelli famosi notio est, vt reuera est, suapte sponte planum apertumque relinquitur, *Relationem de studiis abstrusioribus Iesuitarum*; non modò famosum, sed & *famosissimum* libellum esse: cum non vni vel alteri; sed integro, & qua Christianus orbis patet, diffuso Ordini & Professoribus eius grauissima scelera, facinora, & flagitia imponat, quorum si comperirentur, meritò ex humana societate, tamquã illius præsentissimæ pestes, extermina-

minarentur. Quid enim magis interest Reipublicæ quàm ut libera sit à sacrilegii scortatoribus, ab homicidiis, à sicariis, à Magis, ab incantatoribus, à seditionum flabellis, à proditoribus, quorum omnium piaculorum Relatio ista Iesuitas reos asserit; idque extra omnem iuris & æqui processum & viam, suppresso auctoris nomine, suppresso nomine Typographi, typographiæ, Germanici Interpretis, & patronorum, quibus principiò inscripta & honoris ergo dedicata fuerat. Si talis libellus in famosis numerari non debet, quis tandem numerabitur? si talis legibus diuinis, & humanis non vetatur, quis tandem vetabitur? Si talis ad proximi bonam famam deterendam & penitus perfundendam ex natura compositionis suæ non valet; quis tandem valebit?

Obiiciunt Prædicantes. 1. *Relationem* Fol. 5. *istam non posse censerì libellum famosum, quandoquidem nomen Autoris Cambilboni præscriptum & postscriptum, præfixum & suffixum habuerit, neque hoc duobus Iesuitis Gressero & Vettero ignotum fuisse.*

Respondeo. 1. Exemplari Chirographo seu manu scripto, quod ad manus meas peruenit, *Cambilboni* nomen prænotatum & subnotatum fuisse palam in Apologia monui:

nui: Num aliis exemplaribus calamo exaratis, atque adeo ipsi autographo, seu *Originali* idem nomen adiunctum fuerit, nescio; quia nullum aliud manuscriptum exemplar, præter vnum, vidi.

Deinde cum libellum famosum vocavi, de impressis & per typographicas formulas totâ Germaniâ Latinè & Germanicè sparsis exemplaribus locutus sum; quæ omnia Autoris, editoris, typographi, Typographiæ, & in Germanicum sermonem *Verforis* nominibus carent. Quocirca, si, iudicio Prædicantium, Relatio *Cambilhonica* nondum typis descripta, ideo libellus *famosus* non fuit, quia licet famam Iesuitarum atrocissimè lancinaret, nomen tamen parentis sui præ se tulit; sequitur eandem Relationem excusam, libellum famosum esse; quia prorsus est anonyma, sine patre, sine matre, & absq; vlla genealogia; ita vt ex tot millibus lectorum, nemo, præter paucissimos Prædicantes, & Prædicantium parasitos, ante editionem Apologiæ meæ sciuerint, ex cuius officina hæc Relatio prodierit.

Adhæc magnas debet Cambilhon Prædicantibus gratias, quòd ex Relatione sua, ommissione omnium nominum, Autoris, Editio-

Editoris , Typographi , Typographiæ , & Germanici *Verſorū*, (digni, qui ſolum vertat, quiſquis eſt) libellum famoſum fecerint, ſi quidem eam ſolū ob cauſſam exemplar manuſcriptum libellus famoſus non eſt; quia nomen Autoris præfert. Erit igitur famoſus libellus , ſi nomine Autoris careat, quandoquidem tota illius materia nihil aliud eſt, niſi diffamatio , & alieni nominis pluſquam Satyrica laceratio. At omnia excuſa exemplaria carent nominibus Autoris; & aliorum, vt Typographi, & Interpretis, quos nominatim expreſſos oportuit.

Reſpondeo II. Largiter hallucinari Prædicantes , cum arbitrantur , eam chartam, ſatyricam, cui nomen Autoris adiunctum eſt, non eſſe libellum famoſum, nam hoc falſum eſſe, oſtendo inprimis, teſtimonio ipſorum Prædicantium; Apologiam enim meam, & verſionē Germanicam P. Conradi vocant *ein ſchendliche ehrenrürige ſchmachſchriſt*/ hoc eſt, *chartam famoſam, & alienæ exiſtimationis ignominioſam denaſtratricem*. Et tamen non modò meum & P. Conradi; ſed & typographi & typographiæ, & patroni, cui inſcripſimus; & eorum , qui librum meum approbarunt , nomina diſertè expreſſa ſunt, Mentiuntur ergo Prædicantes, &

Tracta-

Tractatulum suum à mendacio, boni ominis causa, auspiciantur, quando in ipso frontispicio Apologiam meam librum famosum appellitant, mentiuntur, inquam, si, ut ipsi docent, charta manuscripta Cambilhonica ideo libellus famosus non est, quia Auctoris nomen profitetur.

Præterea, si ego vel P. Conradus Vetter, vel quilibet alius de Catholicorum numero euulgaremus seu librum seu libellum, quo publicè & in Theatro totius Germaniæ, imò omnium gentium, quæ linguam latinam intelligunt; stylo & ore clamitaremus, *Prædicantes Augustanos esse nebulones, esse scortatores, adulteros impurissimos, esse homicidas & infanticidas, esse Magos, esse proditores, paucis, esse omnium mortalium facinorosissimos & flagitiosissimos*; Prædicantes eam scripturam non ut famosum duntaxat libellum, sed etiam ut famosissimum proclamarent, cælumq; & terram ad vindictam tanti facinoris inuocarent & inuitarent, licet tot nomina præfixa & subfixa essent; quot subscriptores in libro Concordiæ reperiuntur; hoc est, aliquot millia.

Si ergo, non obstante nominum additione, talem chartam contra se sparsam, pro libello famoso reputarent; equum non est,

est, vt ipsi hac nota liberare velint Cambil-
honicam Relationem manuscriptam, quòd
ea fabri sui nomen indicet; & ius fasq; po-
stulat; vt quam gratiam Prædicantes sibi
faciunt, ab eadem alios non excludant; nisi
fortè Prædicantes hoc priuilegium obti-
nuerunt, vt quidquid contra illos scribi-
tur, etiam manifestato Auctoris nomine: id
famosum; quidquid autem vel ipsi, vel ip-
sorum famelici & sitibundi clientes contra
Iesuitarum famam detonant & despuunt,
id totum Euangelicum mustum censi
debeat.

Adhæc: falsum est chartam alieni nomi-
nis laceratricem, ideo famosam chartam
non esse, si nomen Auctoris præscriptum
ferat: siue enim hoc fiat, siue non; libellus
famosus est, si via & ratione illegitima ad
lædendam & obterendam proximi existi-
mationem procedat; vt sanè procedit, cum
talia scripta nō ad magistratum legitimum
deferuntur; sed in mobile & leue vulgus
sparguntur; vel illis offeruntur; qui de cri-
minibus obiectis iuridicè non possunt co-
gnoscerè, & legitimam rationem ad veri-
tatis inuestigationem instituere ac inire,
tandemque veritate comperta vel accusa-
tores vel accusatos debitis pœnis ex iuris
& æqui-

& æquitatis præscripto afficere. Nec desunt graues & eruditi Doctores, qui libellum famosum Auctoris nomen exhibentem, aliquatenus deteriore arbitrentur, quàm illum, qui nomen Auctoris occultat; cum hic directè & propriè tantam ad detractio-
Vide Salom. nis vitium spectet: ille verò directè & pro-
22. q. 72. d. priè tam detractio-
3. de libell. nis, quàm contumeliæ
fam. & malitiam contineat.
Caiet. in

summ. &
libellus.

At Prædicantes oggerunt Constitutionem Carolinam ex Comitibus Augustanis Anno 1548. celebratis, citatam à me in Apologia, in qua dicitur, puniendum esse, qui
conuicium alteri in scriptis fecerit, hoc est, libellum famosum, titulum, epigramma, carmen, picturam, quæ alicuius famam ledant, scripserit, ediderit, proposuerit, decantarit, sparserit, neque nomen, quod in sacro fonte impositum sibi habet, & cognomen, quod à familia usurpat, subscripserit: vbi insinuari videtur non fore libellum famosum, si nomen & cognomen Autoris apponatur.

Respondeo. I. Si hoc ita est; frustra igitur Ministerium Augustanum appellat Apologiam meam Latinam & Germanicam, ein ehrenrürige schmachschriffte / hoc est, libellum famosum; quia ego adieci meum nomen quod in baptismo accepi; & cognomen, quod à parentibus meis sortitus sum. Idem fecit
P. Con-

P. Conradus in translatione sua Germanica. Non igitur puniendi sumus ex constitutione Caroli V. Et per consequens frustra postulant Prædicantes me & P. Conradum ad pœnas libellorum famosorum Aucto-ribus irrogandas, cum libellus noster non sit famosus ipsorum Prædicantium (si constare sibi velint) iudicio & indicio, quandoquidem & Auctoris & Interpretis nominibus & cognominibus insignitus est.

Respondeo II. Non esse probam hanc consecutionem: *Libellus hic ad ignominiam & probum huius vel illius compositus*, nomen Auctoris adiunctum habet; ergo non est famosus: quia etiam illa scriptura, quæ extra legitimum forum & tribunal, absque ullo animo iudicè probandi id quod proximo imponitur; famam alienam proscindit ac infectatur, licet nomen Auctoris patefaciat; habet quidquid, ut ita dicam, ad essentiam libelli famosi pertinet, nam & detractio & contumelia est; ac proinde Reipublicæ perniciosa; & eam ob causam non toleranda: sed debitis suppliciis mactanda; si Auctor deprehendi, & in potestatem redigi queat: nam sæpe, cum maledicta & probra in aliorum famam per scripturam, picturam, sculpturam, & calaturam, nefarii ho-
mines

mines disseminant, nomina sua palam profitentur; quia certi sunt, se pœnas non daturus, quòd iis in prouinciis degant, vbi se securos norunt; Hinc, vt hædus ille Aesopius, qui in lupum ex superiore domus parte conuicia congerebat: eam ex loco audaciam sumunt, vt nomen suum palam edere non reformident. An ideo non sunt infamatores perniciosi & pestilentes Reipublicæ? An ideo Historia Iesuitica inter libros famosos collocari non debet; quia Polycarpus Lauserus suum, & demortui iam tunc Hasenmülleri nomen præfixit? An famosæ picturæ non sunt illæ, quas aduersus Pontificem, Cardinales, Episcopos & alios Ecclesiasticos Lutherus nomen proprium professus, paulò ante suum interitum publicauit, quibus fædiore & ignominiosiores, ne ipse quidem Cacodæmon cum toto suo satellitio excogitare potuisset, non impedit ergo nomen auctoris additum; si cætera adsint, quo minus scriptura aliqua famosis libellis accenseatur.

Neque dicit constitutio Carolina id quod Prædicantes somniant, neq; rectè ex illa prædicanticum delirium colligitur aut deducitur, vt fatebitur siue quis constitutionem illâ Germanico sermone, quò nata & publi-

& publicata est; siue latinè versam ex translatione Iustini Gobleri perlegere velit. Tantum enim hoc mandat; vt typographi iis libris, quos cum censorum & approbatorum consensu & suffragio prælis suis subicerint, nomen Auctoris, & suum, & loci, vbi degunt, adiiciant. Nihil aliud, quoad hoc, constitutio Carolina dicit. Quod autem vulgo fertur; *libellum famosum esse, qui alterius famam ladens, nomine Auctoris caret*; id fit, quia hoc loquendi modo respicitur ad id, quod vtitatis contingere solet. Vtitatis autem in famosis libellis nomina Auctorum supprimuntur, vel in aliena & ficticia commutantur, quàm exprimuntur. Quem ad morem oculos in Paraphrasi Constitutionis Carolinæ reflectens Georgius Remus I. C. (cuius verba in Apologetico recitaui) affirmavit, libellum famosum esse, qui nomen & cognomen Auctoris non præferat. Interim haud abnuit, libellum famosum, etiam cum Auctoris nomine & cognomine, componi & vulgari posse: Et hoc ita esse, poterit Ministerium Prædanticum Augustanum ex ipsomet Remo, datis ad eum Norimbergam literis, cognoscere: Et licet quæ Remus Paraphrasi suæ de nomine & cognomine adiunxit, ipsius Carolinæ san-

B

tionis

tionis verba essent; non tamen Prædicantes euaderent; quia dicerem, præcipi quidem ibi ut puniatur is, qui sine nomine in alterius notam & maculam libellum euulgarit: non tamen asseri libellum famosum non habendum, si Auctoris nomine prænotatus in publicum venerit.

II. Probant Prædicantes Cambilhonianam Relationem non esse libellum famosum. *Quia Cambilhon protestatur palam, se ea, quæ in Relatione, concisius scripsit; copiosius executurum, & Iesuitas à vertice ad calcem usq; accuratè descripturum; etiam hoc addito; se descriptionem suam à cuiuscumq; patroni Iesuitici Apologii, vindicaturum.*

Respondeo I. Si ego & P. Conradus euulgaremus librum aduersus Volcium, in eoque breuiter & adstrictè accusaremus illum *scortationis, adulteriorum, homicidiorum, Magia, veneficiorum, seditionum, & proditorum;* (quorum omnium scelerum Cambilhon Iesuitas insinuat) simulque publicè profiteremur, nos amplius otium nactos, omnia hæc obiecta fusius explicaturos & vniuersorum oculis subiecturos, & contra quemcumq; oblocutorem accusationes nostras defensuros; an propter hanc protestationem, & mentis nostræ declarationem Volcius

cuius aut Symmystæ eius scriptum nostrum pro libello famoso non reputarent? Haud equidem credo. Ergo neque Cambilhonicam Relationem ex censu libellorum infamatoriorum propter hanc protestationem eximere poterunt; nisi iterum in eodem rerum genere plus sibi licere velint, quam nobis.

Respondeo II. Non esse satis, ut charta non habeatur famosa, ut quis profiteatur, se ea, quæ parcius & contractius scripsit, fusius probaturum; quia hoc nihil aliud est, quam polliceri, se, contumeliam contumeliæ, detractionem detractioni, vno verbo, scelus sceleri, & priori libello famoso, alterum superadditurum; sed oportet, ut à chartis in vulgus dissipandis ac disseminandis penitus absteat; & ad legitimum iudicem adeat; & ad tribunal eius siue in scripto, siue extra scriptum scelera illa deferat; Seque ea legitimè ac iuridicè probaturum spondeat; huc enim tendunt illa verba legis Codicis Iustiniani de libellis Famosis. *Nomen suum profiteatur, & ea, quæ per famosum libellum persequenda putavit, ore proprio edicat*, nempe apud legitimum & competentem iudicem (etiam libello oblato, in quo omnia crimina descripta sint; neque enim talis libellus infamatorius erit, quan-

B 2

doqui-

doquidem legitimo iudici traditur, cum promisso & obligatione Iuridicè omnia probandi, quæ in eo comprehenduntur) *ita ut absque ulla trepidatione accedat; nempe ad competentem iudicem.* Num hoc fecit Cambilhon? Num, hoc se facturum recepit, quando vobis autographum seu primigenium exemplum famosæ suæ Relationis tradidit? Num hoc se facturum promissit, tunc, aut alij eius loco, cum Relatio publicè in lucem est extrusa?

Imò licet Cambilhon post Relationis sue sparsa exemplaria manu exarata, rem ad Magistratum Ecclesiasticum vel Politicum detulisset, Infamatoris tamen pœnas non vitasset: nam tales libelli si conscribantur, non sunt inter alios spargendi; sed rectè ad legitimum iudicem iuridicè deferendi; & apud illum deponendi: Non apud Prædicantes, aut Prædicanticum Ministerium. Quapropter multò minus iam, posteaquam turpissima, & non vno rogo digna *Relatio* latissimè typis, ppagata est, à pœnis liberari, & cum iterata delatione criminū audiri deberet Cambilhon, si hanc viam inire vellet, nisi prius ob libellum famosum dispersum, rationem, quin & pœnam, daret; nam posterior rectè agendi voluntas non

non facit, quo minus id, quod antea perperam & contra leges actum est, debitis suppliciis mulctetur & expietur.

III. Aiunt Prædicantes, *Relationem Cambilhonicam esse scriptum Polemicum*, et in *Stretto schrift*. Quid inde inferunt? Num hoc? Ergo non est libellus famosus. Vt antecedens esset verum; consequentia tamen esset Prædicatorica, hoc est, *plumbea*. An non in scripto Polemico, quod de dogmatibus litigat & digladiatur, fama proximi illegitimè lacerari & proscindi potest? si illegitimè famam lacerat & proscindit, libellus ergo famosus est.

Deinde nego *Relationem Cambilhonicam esse scriptum polemicum*, prout scripta polemica (in quibus res cum re, rationes cum rationibus, argumenta cum argumentis conferuntur & contenduntur) in Imperio permissa sunt; sed est scriptum *Infamatorium* iure diuino, Ecclesiastico, ciuili & Cæsareo tam veteri, quàm nouo grauissimè interdictum. Itaque si Prædicantes *Cambilhonicam Relationem* edidissent, addito Auctoris, Typographi, Typographiæ & suo nomine; (quod se facere potuisse, si collibuisse, affirmant; Et credo facere potuisse; quia quod fecerunt suppressis omnium Prædi-

etorum nominibus, hoc itidem, additis nominibus, facere potuissent, si voluissent) non *scriptum Polemicum*, sed *infamatorium* edidissent: quod, Prædicantibus ad oculum, ut dici solet, demonstro.

Nam si apud me depositus fuisset libellus certi Auctoris, nominis & hominis, in quo Prædicanticum Ministerium Augustanum, hoc est, Prædicantes Volcius, Rulichius, & cæteri de eodem siue grege siue armento, traducerentur, proclamarentur, & accusarentur, tanquam *scortatores, adulteri, venefici, Magi, Necromantici, homicida, seditiosi, proditores Germaniæ & Reipublicæ Augustanæ*. Et ego, additis meo, Auctoris, Typographi, Typographiæ, & ciuitatis nominibus, talem librum publicarem, & in vulgus extruderem, nec ad legitimum magistratum deferrem; siue vilo proposito ea, quæ liber ille, obiiceret, probandi; à Prædicantibus pro improbissimo & nequissimo infamatore haberer; Et ut infamatorij libelli editor ad pœnas deposcerer. An non vera loquor, ô Prædicantes? Consulat & conueniat vnusquisque suam cōscientiam, vel si omnem funditus prodegit, cōsulat & conueniat scintillulas luminis naturalis, quæ etiam in peruersissimis & flagitiosissimis
subinde

subinde emicant; Et videat, an non è vestigio hoc de me iudicium formaturus, & data occasione palam quoq; deprompturus esset? Si ergo talis liber, Prædicantium vnamini calculo famosus iudicaretur; quæso, cur Cambilhomica Relatio libellus famosus, & in Imperio vetitus, non fuisset, etiam si à Prædicantibus cum supradictis circumstantiis in lucem prolatus fuisset? An non Iesuitas omnium antea & iam sæpius nominatorum scelerum & flagitiorum maculis adspersit, idq; via & processu non iuridico, & quod hinc sequitur, illegitimo?

At hic iterum æqualè ius desiderare cogor. Quando Volcio cum suis non dicam horribilium criminum dica scribitur, sed vel obiter aliquid obiicitur, mox omnes leges contra libellorum famosorum architectos latæ in subsidium Prædicantium aduocantur, cælumque & terra vociferationibus & eiulatu complentur; cæterum, quando Iesuitarum fama vel vniuersim vel speciatim millenis maledictorum & contumeliarum iaculis publicè quasi in scena per scripturas, & picturas, & id genus alia schemata configitur ac confoditur; tum Bonum & Euangelicum factum, acclamare oportet. Tum linguis & auribus fauendum

dum est. Tum Pæan Prædicantibus incinendus, & lætum illud: *Io Triumpho*, insonandum.

Lepidum porro est: quod Prædicantes, ore Volciano lallant; *se, si ita corde voluntas tulisset, edere potuisset Relationem Cambilhonicam*, sed PERICULO AUCTORIS. Agnoscunt ergo scriptum hoc esse unum ex prohibitis; atque adeo *infamatorium*; non præcisè *polemicum*; Quia ex scriptis præcisè polemicis, quæ de solis fidei capitibus inter Catholicos & Lutheranos controuersis, differunt, nulli in Germania periculum imminet.

Deinde ridiculè hanc cautionem Prædicantes adiunxissent; & stultè iam se eam adiuncturos fuisse palā confitentur: quia Editor libelli famosi æquè, si non magis, puniendus est, ac ipsemet Auctor; quia æquè, si non magis, perniciosus est, ac primus libelli conditor: quia lex de famosis libellis disertè mandat, vt qui in libellum famosum inciderit, eum discerpat & aboleat, & nemini, quæ in eo comprehenduntur; patefaciat; alioqui, tanquam Auctorem, supplicio capitali addictum & subiectum iri.

Itaque hac cautela & testificatione capitibus suis Prædicantes haud satis bene consuluisse, qui profectò à vero longè auj abeunt,

abeunt, cum ex meo Apologetico euincere volunt, libellum famosum non esse; qui nomen Auctoris adscriptum præferat. Prædicanticum & inprimis Volcianum acumen est istud: *Gretserus dixit, Relationem Cambilhoniam carere nomine Auctoris: esse ergo libellum famosum?* (Non ideo præcisè, libellus famosus est, quia caret Auctoris nomine, multi enim prisci & noui libri, carent Auctorum nominibus, neque idcirco libris famosis accensentur, sed quia, tacito Auctoris nomine, famam proximi iniquissimè exagitat & incessit, hoc dixit Gretserus) sed quid infertis Prædicantes? *Ergo liber, qui Auctoris nomen prænotatum gerit, non est liber famosus.* Hæc fumosa consequentia ex Prædicanticis summarè est, non ex meo libro. Falsa & inepta est; neq; vnquam à me insinuata; tantum abest, vt asserta: de quo iam supra satis.

Imposturis annumera, quod Prædicantes aiunt, *me & P. Conradum fateri, Relationi nomen Auctoris adiunctum fuisse.* Fatemur hoc de manuscripto Relationis exemplari, quod nos vidimus; non de innumerabilibus sine nomine excusis, quæ totâ Germaniam peruolitarunt: his enim omnibus nullum penitus nomen adiunctum fuit. Sed Prædicantes ita rem Lectori proponunt, quasi

nos absolutè dicamus, *Relationi nomen Auctoris additum fuisse*; & postea affirmando; *nomen Auctoris additum non fuisse*; illud ipsum, quod asseueraueramus, per antilogiam euerteremus: cū nos de exemplaribus diuersi generis locuti simus: At nisi impostoriè agerent; immeritò *impostores* audirent.

Sed iam huic capiti finem imponam, vbi hoc monuero, Prædicantes Angustanos alio indicio satis patefacere; se Cambilhoniam Relationem pro famoso libello habere; quia apertè dicunt, *se nolle Cambilhoniam patrociniū suscipere; neque sibi in animo esse, disquirere, num vera an falsa sparserit; num circulator & agyrta; sycophanta & veterator sit & fuerit; cuius liberum ac integrum relinqui: ut de homine & scriptis eius statuat, quod volet.*

En quomodo isti miserum suum proselytum & clientem iam deprehensum, & in luminis oras extractum, *sub cultro* relinquunt. Quales isti patroni? Quales tutores? Cambilhon & se & sua scripta, eaque complura testibus ipsis Prædicantibus, in prædicantium tutelam dedit. Nunc miser exoprato subsidio destituitur; & triste illud audire cogitur: *Tu tuas res tibi habeto, conditione tua non utar*: cumq; iam extrema & propudiosa Cambilhoni vanitas & impudentia plusquam

quam Cynica à me latinè, & ab interprete meo, P. Conrado, Germanicè, manifestissimè sit patefacta & percussa; Prædicantes permoueri nequeunt, vt pro suo cliente contra Gretserum & Vetterū arma sumant: Imò publicè profitentur, *se nolle cum hiis duobus Iesuitis in arenam descendere*: Et quia causam veram indicare Prædicantibus parum honorificum foret; commentitiam adducunt; nempe Gretserum & Vetterum non *satis grauitè agere; se non cum scurris, sed cum seriis & caperato vultu Theologis commercium habere velle*. Res mira prorsus, si non planè mirissima: Neminem ex nostris reperiri posse, qui Prædicantibus, & inprimis Volcio, sat grauis adueniat. Quidquid scribim⁹, quidquid euulgamus, id, Prædicantium sensu, *ludicrum & scurrile est*, longeque infra grauitatem Prædicanticam. Quæ tandem causa? An quia ego & P. Conradus non sumus tam prolixè barbatī & comati, quàm Volcius & alij Prædicantes? An quia nō sumus fautores, adiutores & promotores eorum, qui libellos famosos & iniuriosos condunt, seque & omnes suos in hoc tam præclaro facinore socios, in periculum capitis coniiciunt: si ex legū præscripto, cum ipsis transigatur? Si ego & P. Conradus, Cambilho-

ni in-

ni instar, Prædicantibus palpum obtruderemus; & *Venerabile presbyterium* intonaremus; mystisque istis Luthericis genua curuaremus: mox Theologi grauissimi à Volcio & Synergis salutareremur, sed absit, ut Prædicanticam grauitatem, quæ à leuitate nil distat, tanti mercemur.

Num Prædicantes Augustani Relationem Cambilhoniam euulgarint.

NEgant ipsi. Et probant quadrupliciter. I. auctoritate suæ conscientiæ, quia *per conscientiam suam* testantur, se Relationem istam non edidisse. II. auctoritate suę scientiæ; dicunt enim, idque palam; *se euidenter scire, suo studio & nutu Relationem Cambilhoniam in lucem non venisse.* III. Auctoritate sua ignorantia: Aiunt enim, *se vsque in hodiernum diem ignorare, quis Relationem istam in vulgus sparserit.* IV. Auctoritate indignationis suæ; quia dicunt, *se ægerrimè tulisse & etiamnum ferre; quòd quispiam mortalium, ipsis insciis, Relationem istam publicare ausus fuerit.*

Quod ad conscientiam attinet, non inuenio quod reponam, nisi illos Lutheri
verli-

versiculos; vnico verbulo per parodiam
mutatos Colloq. Germ. Tit. de Miscellaneis
fol. 444. b. Edit. Francof. in fol. Anno 1571.

Glaub keinem Wolff auff wilder Heyd/

Auch keinem Juden auff seyn End.

Reim Prædicanten auff sein Gwißn.

Du wirst von allen dreyen bßchmissn.

Ita Lutherus vnicâ vocula parodicè
inflexus, qui sanè facit, vt testificationem
solâ Prædicanticâ conscientiâ suffultâ, non
multum morer: Et eiusdem animi mecum
erit, quisquis prædicanticum genium pro-
pius nouit: præsertim si scierit simul, in
hoc Prædicantico Ministerio versari duos,
& quidem præcipuos, quorum conscientia
tam sunt teneræ ac sinceræ; vt alter (Rüli-
chius) publico scripto spargere non eru-
buerit, P. Georgium Schererium, quendam
induxisse, vt ex composito se fingeret mor-
tuum; quem postea Schererius ad vitam re-
uocare voluerit; sed non potuerit, quippe
iusto Dei iudicio verè mortuum, qui se si-
mulauerat mortuum: Alter verò (Volcius)
non dissimili improbitate Iesuitas palam
traduxerit, quasi suis in collegiis subterra-
neas carnificum & liætorum officinas ha-
beant, in iisq; equuleis, catastis, fidiculis, &
id genus aliis instrumentis suos *discipulos* &

Novi-

Novitios excarnificent: de quo plura infra in appendice, ubi idem Volcius extenuitudo suæ conscientia regerit, & repetit: quod Odontius, Lutheranus Stentor, aduersus P. Schererium & incolas Collegij Græcensis confinxerat, & per typos in lucem disseminauerat.

Sed vt quadruplicem Prædicantium probationem, tametsi eneruem & elumbem, & ne cassa quidem nuce dignam, penitus subneruem, & ad lumbifragium redigam. Respondeo I. me nuspiam in Apologia mea dixisse, Prædicantes Augustanos Relationem Cambilhonicam aut in Germanicum sermonem vertisse aut per typos immediatè disseminasse; vt ipsi dicunt, fortè conscientia culpæ ad id mihi affingendum adacti quod ipsi se reuera patrasse norunt: nam vt in *Colloquijs potatorii* loc. cit. Lutherus rectè dicit: *Conscientia mala, est res infirma & fragilis, abscondi difficilis, prout etiam ille Ethnicorum versiculus testatur: Conscia mens prauæ de se putat omnia dici.* Cuius veritatem Lutherus aliquot historiis ibidem comprobatur: quas apud eundem Prædicantes per otium lectitare, & se in iis, tanquam in pellucido speculo, noscitare poterunt.

At dixi, *Prædicantes Augustanos Relationem Cambil-*

Cambilhonicam longè latèque sparsisse. Dixi, fateor, & quod dixi, necdum diffiteor, causam postea audies. Et licet asseruissem, istos præcones Relationem typis immediatè euulgasse, dicti me non pœniteret, idq; sequentes ob causas.

I. Quia Cambilhon Relationem istam apud Augustanos Prædicantes deposuit, ut ipsimet palam fatentur. Cur, obsecro, nisi eo fine, ut in publicum euulgaretur? Nam quòd ut *sacras Reliquias* famosam hanc chartam apud eos deposuerit, & quòd hoc titulo Prædicantes depositum istud acceptarint, nec credo, nec credam. Neque apud Prædicantes deposuit, ut in Gazophylacio vel Archiuo Prædicantico reponeretur; neque ut in Bibliotheca Annæa collocaretur: quanquam si hoc animo Cambilhon deposuisset, & isti depositum accepissent, pœnas legis de libellis famosis non effugerent: quia libellum famosum in publica Bibliotheca collocare, nihil aliud est, quàm libellum famosum euulgare, & ad aliorum notitiam perducere: neq; enim libelli famosi euulgatio legibus punienda; in sola per typos publicatione consistit.

II. Qui contra leges diuinas & humanas, Ecclesiasticas & ciuiles, tam veteres
quàm

quàm nouas, ausi fuerunt libellum famosissimum sibi dicatum & inscriptum, beneuolèter acceptare, asseruare, & tanquam pretiosum depositum in suam tutelam recipere, iis, nullam, ut opinor, iniuriam irrogabimus, si eos etiam ad euulgationem per typographicam industriam processisse feramus; nam qui tam audax est, ut primum audeat; immerito tam timidus iudicatur, ut hoc secundum non ausurus existimetur. At Prædicantes Augustani primum illud adeo ausi sunt, ut etiam publicè glorientur, hunc tantum calumniarum, mendaciorum & conuiciorum thesaurum apud se fuisse depositum: nulla igitur ratio nos compellet credere, eos *Relationis* editionem ex aliquo scrupulo aut timore, moliri noluisse, præsertim cum scirent, hoc sibi depositum alio consilio non fuisse relictum, quàm ut publicatione eius Iesuitis luculentam plagam imponerent.

III. Si *ipsis insciis, inuitis & indignissimè ferentibus* Relatio hæc typis excusa est; cur huius suæ inscientiæ & indignationis nulla ediderunt argumenta? Cur non, edito scripto, conquesti sunt tam pretiosum depositum sibi fraudulenter fuisse ereptum? Cur non indicarunt nomen depositoris? Cur non

non sua, tanquã depositariorum? Cur non expostularunt cum illis, qui *venerabilis presbyterij* honorificum titulum expunxerunt? Cur saltem ex ambone suo declamatorio in hoc tam indignum facinus non sunt inuecti? Nunquam certè de villo Prædicante Augustano audiui, qui huius suæ indignationis ob excusam Relationem Cambilhoniam ex suggestu indicium dederit. Et nisi ego in mea Apologia Auctorem, totumque hoc iniquitatis mysterium, sub velo prædicantico delitescens, reuelassem; hodie etiam Autor, & Mæcenates ac *Depositarij* Cambilhonici incogniti laterent; & sibi oblaceratam Iesuitarum famam in sinu plauderent.

IV. Forſan quod totum Prædicantium Ministerium collectiue sumptu ignorat, hoc sciet Volcius, vel Rüllichius, vel hic vel ille singularis de Prædicantico illo systemate Prædicans: Quia multa facit *capitulum*, ut vulgò dici consuevit, quæ non facit Decanus, aut Senior, aut ille, aut iste. Forſan ergo Volcius scit, forſan Rüllichius, quis publicis typis Relationem illam excuderit; quis in Germanicam linguam tranſtulerit: quis nomen *Venerabilis Presbyterij* & *Cambilhoni* obliterarit, & in spongiam in-

C

cumbe-

cumbere iusserit; Etiam si hoc ipsum Ministerium, ut est totum quoddam (etsi male tornatum) corpus, ignoret.

V. Cum fateantur Prædicantes ipsum primigenium Relationis Exemplar, seu, ut vocant, *Originale* apud se fuisse depositum, & adhuc in deposito custodiri; necessario sequitur, ex *Originali* mediatè vel immediatè desumptum esse illud exemplar, ex quo Germanica translatio facta, & editio typographica concinnata & adornata est: nam ex *Originali* exemplari, utpote ex prima radice & matrice, cætera omnia fluxisse, per se manifestum est. Cum ergo ex *Originali*, hoc est, ex illo Relationis exemplo, quod apud Prædicantes depositum est, exemplar ad versionem Germanicam & publicationem typographicam desumptum sit, iure optimo Prædicantibus ipsa etiam editio per typos adscribitur; nam si exscribendi potestatem non fecissent, verfor Germanicus vertendi, & tenebricosus typographus excudendi labore subleuatus fuisset, utpote nullo exstante exemplari, præter *Originale*. Et hic tritum illud in Scholis Philosophorum axioma valere video: *Quidquid est causa causæ, est etiam causæ causæ*: licet alioqui multis modis restringi & limitari soleat;

sed

sed hic nullo aut medicamine aut modamine opus est. Accipiatur is sensus, quem verba primo intuitu præ se ferunt; & à vero non aberrabitur.

Dicunt quidem Prædicantes, Cambilhonum *Augusta discedentem apographa*, seu, vt appellant, *copias, Relationis secum absportasse; & alibi aliis etiam exhibuisse: Chirographum vero seu propriam manum suam & originale Augusta in deposito apud Venerabile Ministerium reliquisse. Sed non ideo ex pedicis, quas sibi nexuerunt & posuerunt, se expediunt. Cur enim non cauerunt, ne vlla ex Originali exemplaria describerentur? Quod si cauissent, periculum nullum futurum erat, vt aliquis ipsis insciis, inuitis ac admodum succensentibus Relationem in vulgus euulgaret. At cum huic publicationi obicem nullum obiecerint, non iniuria adscribitur illis, tanquam primigeniis Auctoribus, Relationis euulgatio, & quando Cambilhon eo honore Prædicantes Augustanos affecit, vt Originale exemplum & suum Chirographum huic Ministerio concrederet, tempestiuè Prædicantes prospicere debebant, ne quæ alia exemplaria exstarent, quæ ipsis nolentibus & ignorantibus in lucem per typos depromerentur. Quod quia non præstiterunt, per-*

C 2

spiciuè

spiciuè declararunt, se susque deque habere; licet Relatio hæc iuris publici fieret, & in totius Germaniæ manus, etiam *Auctori & Venerabili Presbyteri Augustani* nomine truncata veniret.

Hæc, vt dixi, admodum verisimile faciunt, Augustanorum Prædicantium nutu, scitu, approbatione, ope & opera proximè & immediatè Relationē Cambilhonicam in Germanicam linguam conuersam & typis descriptam fuisse; tametsi ego in Apologia mea hoc non affirmavi; vt pro sua *Venerabilitate* mihi hoc venerabile Ministeriū imponit. Hoc dixi, & etiamnum publice dico, Prædicantes Augustanos, apud quos autographum Relationis depositum fuerat; *Relationis exemplaria longè lateq; sparsisse*. Nam vnde tot exemplaria, quæ Augusta disseminata sunt; nisi ex Originali, mediatè vel immediatè? Vnde meum exemplum, quod nactus sum, nisi ex autographo apud Prædicantes deposito? An non Augustæ simulatq; Cambilhon Anno Redemptoris M. DC. VIII. XXI. Martij Prædicantibus Relationem sua manu exaratam tradidit, in omnibus circulis & compitis exemplaria huius Relationis circumuolitabant? Nec adeo inhumani & propriorum comodo-

modorum tenaces sunt Prædicantes, vt tam
 eximij boni, cuiusmodi est Relatio Cam-
 bilhonica, suos expertes esse voluerint;
 quia intimis præcordiis imbiberunt illud:
Bonũ est sui communicatum. Quis credat Præ-
 dicantibus autographum fuisse commis-
 sum ea lege, vt nulli inde exemplum conce-
 derent? quia iustis, quales sunt Prædican-
 tes, lex non est posita, & verò nec ponenda;
 neque credibile mihi accidit, tot exempla-
 ria Augustæ & alibi sparsa, & ab amicis ad
 inimicos missiculata, in arboribus creuisse;
 aut, vt fungos, ex terra exstitisse: aut, vt æstio
 tempore, ranunculos, ex pluuia calida
 prodiisse. Ab vno traduce, hoc est, ab vno
 primigenio exemplari apud Prædicantes
 deposito, omnia alia apographa prosemi-
 nata & disseminata oportuit.

Quod si, vt iam nobis persuadere vo-
 unt, Relationem istam per typos euulgari
 volebant, cur non statim amplissimo Ma-
 gistratui vrbs Augustanæ autographum
 tradiderunt, qui pro officio suo exitialem
 hunc foetum in ipsis adhuc incunabilis op-
 primere, & ne in publicum theatrum pro-
 cederet, impedire potuisset; ipso Auctore
 ipotestatem redacto, omnibusque exem-
 paribus, si quæ antea inde descripta fue-
 rant,

rant, quàm vobis *Originale* traderetur, interceptis & abolitis? Nec diffiteri poterunt Prædicantes hoc sui muneris fuisse; nam si Paracharaëtes seu falsæ Monetæ cufor ad eos venisset, & perniciosæ suæ artis instrumentū apud eos deposuisset; & alios itidem exempla inde sumere permisisset, vel permittere voluisset; legibus diuinis & humanis Prædicantes ad talē falsarium, rei communi tam damnosum detegendum obstricti fuissent. Ergo & hunc famæ, & existimationis alienæ improbum deprædatorem eiusque famosas chartas Magistratui indicare debebant, vt nascenti tam exitiabilis malo tempestiuè remedium adhiberet: nisi fortè Prædicantes tam sunt stolidi & stupidi, vt censeant pluris interesse Reipublicæ; vt Paracharaëtes coërceantur, (quàm vniuirosissimi detractores, furesq; ac prædones famæ & boni nominis, quibus homo post diuina charismata, nihil pretiosius possidet) comprimantur & exterminentur.

Pra-

*Prædicantes Augustanos reos
esse pœnarum, quas leges Eccle-
siasticæ & ciuiles famosis libellis
decernunt, etiamsi Relationem
Cambilhonicam Typis non
publicassent.*

ID probatur I. quia vt quis in pœnas le-
gum incidat, satis est, vt libellum famo-
sum per exemplaria, etiam calamo exarata,
spargat, & publicet, aut spargi & publicari
sinat, oblato Originali, vt inde exemplaria
petantur. Sed hoc fecerunt Prædicantes Au-
gustani; vt antea probatum; & satis id te-
statur exemplarium manusccriptorum mul-
titude, quæ Augustæ circumferebatur; ex
quibus etiam vnū ad me huc Ingolstadtum
duplici vel triplici manu descriptum, ad-
uenit; nam vni itidem apographo plures
exscriptores apponendi erant, quò tantus
thesaurus eo citius multiplicaretur, & in
omnium notitiam deduceretur.

II. Vt quis in pœnas legum incurrat, suf-
ficit; vt aliis, imò etiam vni, vim libelli fa-
mosi, hoc est, sensum & sententiam, manife-

stet, quia lex de libellis famosis, disertè præcipit, ut nulli penitus *vi*, hoc est, sensus libelli famosi, patefiat. Sed Prædicantes huic præcepto non obtemperarunt; tum quia exemplaria ex Originali apud se deposito, mediatè vel immediatè exscripta, per totam Augustam volitare passi sunt; tū quia incredibile est, nullum penitus Prædicantem alicui de grege Lutherano indicasse, quem & quantum thesaurum Cambilhon apud Evangelicum Ministerium deposuerit; nempe, *Relationem de abstrusioribus Iesuitarum studiis*, in qua eorum vita & mores, hoc est, *scortationes, adulteria, Magia, homicidia, perniciosa consilia* viuis coloribus exprimantur & repræsententur. At hoc alicui dicere, est vim libelli famosi contra legis prohibitionem manifestare.

Quamvis autem longa experientia edoctus, non ignorem quàm Prædicantibus sit frons dura & opessulata; vix tamen mihi persuadeo, Volcium vel eius in vinea Lutheri *collaboratores*, eò impudentiæ & impietatis processuros; ut, iureiurando interposito, affirmare audent, se nulli penitus mortalium de hac famosa charta, fidei suæ credita, indicium fecisse: & quam Iesuitæ insigniter pigmentis, vel potius figmentis

Cam-

Cambilhonis depicti sint; significasse. Etiam si ipsum *Originale* nulli perlegendum tradidissent: quod non factum esse, quis in animum inducat credere?

III. Cambilhon proculdubio *Originale* primitus soli Volcio aut Rulichio aut alicui alteri tradidit: neq; enim ullam probabilitatem habet, Prædicantes omnes eo die, quo traditio hæc facta est; quasi in Synodum fuisse coactos & collectos, prout olim sacrificuli Baalis accitu Iehu, congregati fuerant, nullo penitus absente: At is, vel illi, qui vim huius libelli Cambilhonici aliis suis Symmystis patefecerunt, legem de libellis famosis violarunt; quæ mandat, ut nulli penitus vis libelli manifestetur.

IV. Qui libellum famosum nec corrumpit; hoc est, destruit; nec igne consumit & quidem *statim* ac ad manus eius peruenit, ille reus efficitur pœnarum, quæ latæ sunt in lege de libellis famosis: ut manifestè patet ex verbis legis. At Volcius & Synergistæ eius libellum famosum nec corruerunt, neq; igne consumpserunt. Quid ergo sequitur?

V. Si ille, qui siue in publico, siue priuatim domi suæ, etiam *ignarus*, libellum famosum reperit, neque tamen lacerat & abolet,

reus legis efficitur; quanto magis illi ad pœnas persoluendas obligabuntur, qui nō casu in hunc libellum inciderunt; sed sibi ab ipso Auctore oblatum beneuolo vultu acceperunt, & exceperunt? Sed verum prius, vt planum fit ex lege Codicis *de libellis famosis*: Verum igitur & posterius.

VI. Si puniendus est, qui libellum famosum *confitetur inuentum*, quia lex apertè iubet, vt inuentor libelli famosi, *nulli confiteatur inuentum*: quanto magis pœnam merentur, qui palam confitentur, libellum famosissimum apud se fuisse depositum: Et etiamnum apud se tam præclarum depositum custodiri, & quidem in *Originali*.

VII. Qui libellum famosum suo nomini inscribi & dedicari patitur, si prohiberi possit, ille satis ostendit, sibi talem libellum gratum & acceptum esse; Et, quod hinc sequitur, in sceleris cum Auctore communionem venit; ergo & in communionem pœnarum. At Augustani Prædicantes æquissimo animo passi sunt chartam infamaticam presbyterio suo inscribi ac dedicari; neque enim vnquam quidquam siue priuatim siue publicè reclamauerunt; neque iam in sua *Inuestiua* vllam dant significationem sibi hanc dedicationē displicuisse aut displici-

displicere. imò potius ostendunt, sibi Crucem & Cordolium esse, quod in editione Typographica latina & Germanica nomen sui *Ministerij* sit oblitteratum; Autographum quoque famosæ satyræ asseruandum acceperant, & ipsum Auctorem suam in tutelam receperunt: Eo ipso igitur Prædicantes Augustani etiã cum Cambilhone in communionem scelerum, & per bonam consecutionem, pœnarum quoq; venerunt.

VIII. Si fur aliquis vel latro deposuisset apud Prædicantes Augustanos furta sua & partam prædam, pecuniam nimirum, & alia huius generis externa bona, vel instrumenta; quibus furari & latrocinari consueffet: Prædicantes iure optimo iisdem, vel nō planè dissimilibus pœnis digni censeretur, quibus ipsemet fur & latro. Ergo & nunc cum fur & prædo pestilentissimus, Cambilhon non nummos, sed famam, honorem & existimationem Iesuitarum furari, prædari & depopulari ingressus; instrumentum, quo id transactum dare voluit; nempe libellum famosum, apud Prædicantes deposuerit; Et ipsi ad custodiendū operam suam prolixè obtulerint; & re ipsa itidem in custodiam exceperint; sequitur, eos iisdem cum Auctore pœnis *subiugandos* esse,

vt verbo legis vtar: nisi fortè putant Prædicantes, fures, latrones, prædones qui alicui fortunas suas eripiunt, execrabiliores esse, quam fures & prædones, qui famam, honorem, & existimationem hominibus violenter ademptum eunt: Cum tamen, qui rectè sapiunt, potius omnium facultatum suarum, & ipsius etiam vitæ, quàm famæ, bonique nominis & existimationis iacturam facere eligant, ac præoptent.

IX. Si quis faber serarius pateretur sciens & volens, aliquem sua in officina, claves, & instrumenta seris referendis idonea cudere, eo fine, vt arcas recluderet, & alienas opes expilaret; ille eodem vel non dissimili, quo fur, supplicio mactaretur: Ergo & illi, qui sua in officina eos fabros tolerant, qui instrumenta; hoc est, libellos diripiendæ, expilandæ & harpagandæ alienæ famæ conficiunt; ad easdem, vel non multò mitiores pœnas obligantur, quibus ipse Auctor & architectus. At Prædicantes passi sunt Cambilhonum, sua in officina; sub suo patrocinio, præsidio, & tutela, instrumentum, hoc est, libellum famosum, fabricare, quo vix quidquam pestilentius vnquam exstitit. Quid igitur commeruerunt?

X. Si ego similem librum contra Prædicanti-

canticum Ministerium apud me, meoque sub patrocinio componi paterer, vel passus fuisset, compositumq; in deposito asseruarem, ipsumque scripti talis fabricatorem benignè ac amicè haberem, vel habuisset; Prædicantes sonoris vocibus me ad easdem cum Auctore pœnas postularent, & si quæ exemplaria siue manuscripta, siue typis excusa, ad alios emanassent, ea non nisi ex Autographo apud me deposito exscripta, vel iureiurando interposito, confirmarent: neq; protestationi meæ in contrarium vllam fidem haberent. Quod ergo iure suo Prædicantes aduersus me agerent, dicerent, & scriberent, si ego aduersus eos patrassem, quod ipsi contra Iesuitas designarunt; hoc iam, quando ita merentur, audiant; & si graue est audire, id sibi imputet; nam cur Cambilhonum cum suo libello famoso in clientelâ receperunt? Cur ignominiosissimam chartam Vulcano nō consecrarunt? Cur suæ potius in fontes traducendi libidini, quàm legibus recta imperantibus obsecuti sunt? Cur scripturæ infamatoriæ fautores, patroni, approbatores, adiutores, promotores, propagatores, & depositarij contra leges diuinas & humanas esse voluerunt?

Cur

Cur non, vt Euangelici Pastores, fecistis, quod Carolus V. in sua Constitutione de libellis famosis faciendum admonet. Quid illud? Audite. Vbi eiusmodi aut similes libelli, scriptura, pictura, fusiles & sculptriles seu res fictiles impressæ, aliæque exstarent, aut in futurum ederentur, publicarentur, circumferrentur, & venderentur, ea auferantur à venditoribus, ac omnibus modis supprimantur. Si huic Carolinæ sanctioni satisfecissetis, quando Cambilhon ipsum Autographum famosæ suæ Relationis ad vos attulit; iam haud paulò quietius viueretis, neque in furias ardentibus vos tædis insequentes, & assiduè flagellantes, furoremque suum mentibus vestris inspirantes, & merita supplicia sæpe obiectantes & intentantes, incidissetis.

XI. Quia Carolinæ Constitutionis mentio facta est, lubet aliud quoque vobis inde ferculum apponere: Vos boni consulite, & num concoquere possitis, dispicite. Ita ergo inuictissimus Imperator Carolus V. Nec venditor tantummodo, sed & emptor, alique penes quos eiusmodi libri famosi, aut pictura, pasquilli, aliue tales scripti, picti, aut impressi reperiuntur, in carcerem coniiciantur (arrigite aures, ô Prædicantes) & criminaliter vel per quæstionem interrogentur (iterum moneo, vt arrigatis, & quan-

quantum potestis , quàm longissimè extendatis ambas auriculas.) unde & à quo tales libros, picturas aut scripturas acceperint. Ecce in quod periculum vos Cambilhonicum depositum detruferit.

Præcipit deinde Imperator, vt Auctor studiosè quærat, & in potestatem redactus, debitis pœnis vnà cum suis fautoribus , promotoribus & adiutoribus subiiciatur. Vbi rursus Prædicantes indemnitati & indolentiæ suæ timendi non iniustam causam habent: quia licet Carolus V. pœnam infligendam non nominet, eam tamen arbitrio Iudicis relinquit ; cui integrum erit vel capitalem pœnam ex Codice vel flagellationem ex Iure Canonico (quarum vtraque proculdubio Prædicantibus gratissima accideret) decernere.

Ex his omnibus, quæ hucusque disputata sunt, liquidò elucere existimo, Prædicantes furioso suo scripto, se ab accusationibus Apologiæ meæ, & pœnis, quæ famosorum libellorum conditoribus constitutæ sunt, non extricauisse; sed magis intricasse: neque enodasse; sed potius implicatius innodasse. Neque quidquā aliud superesse video, quàm vt quod splendida bilis Volcij, in Appendice euomuerit, inspiciam & diluam.

Furia

Furia & Foria Volciana.

A Pologetico meo aduersus Cambilhoniam Relationem adiunxeram Appendicem nominatim contra Volcium; Is vt vicem reponeret, ad scriptum, quod communi Prædicantium Augustanorum nomine concepit & edidit, similiter appendicem sui speciatim ac nominatim tuendi gratia addidit.

Scripserat Volcius in quadam Germanica sua Inuectiua de Vocatione Ministrorum Lutheranorum contra eruditum virum D. Georgium Pomerium sequentia verba. So weiß man daß in etlichen Jesuitischen Collegiis, gemeiniglich vnder der Erden/sondere carnificinæ, vnd Schörgeu Berckstat zu finden / darinnen sie mit allerhand henckerische Instrumenten/von Reckleitern/ Schwer-ten/ Stöcken/henckerischen Kleydern/vnd was mehr zu solcher Stockmeisters Arbeit gehört/ versehen / damit sie ihre Leuth schrecken/ stöcken vnnnd blocken / daß sie keines andern Schörgeu bedörffen / alsdann im Fall der Noth mit mehr Vmbständen der Personen/so es gesehen/ zu erweisen.

Quæ verba (si tamen verba & non potius horrida mendaciorum & calumniarum porten-

portenta nominari meretur) dixi Volcium
 a Cambilhonno mutuatum; quod libenter
 inficiaretur; sed res clarior est, quam vt vel
 ab ipsa impudentia negari queat. Audi
 Cambilhonica dicta, ex Relatione Germa-
 nica, & cum Volcianis compara. Ferner so
 solstn auch in den Löchern vnd Kerckern vnder
 der Erden/ein wunderbarliche Libern sehen/als
 nemlich Strick / allerhand Foltern / Schwer-
 ter/Penle/Zangen/Stöcke/Halsenssen/Leitern:
 auff welche sie / manch armes Mutterkind / so
 erman in dieser Bluthund vnd grewlicher Ty-
 rannen henckerische vnnnd diebische Klauen ge-
 reth vnd kombt/ elendiglich binden vñ spannen/
 vñ dessen Glieder erbärmlich von einander reis-
 sen/zerren/vnd dehnen. Es fehlet da gar nicht an
 schrecklichen vnd henckerischen Kleydern.

Hæc Germanicus Cambilhon: quæ La-
 tinus ita proposuit:

*In carceribus verò subterraneis, miram videas
 Bibliothecam: Funes, fidiculas, gladios, secures, for-
 tipes, cippos, numellas, scalas, quibus illigati miseri
 artuatim distrahuntur, si qui deuenerint in istorum
 Mecentiorum & Phalaridum manus. Non desunt
 tragica vestes carnicum, pileus pyramidalis; atris
 plumis ornatus, thorax fimbriatus & dissectus, cali-
 ge hydropica & follicantes, ad talos vsque demisse,
 vt vel insuanti horrorem incutiant.*

Ex horum verborum cum Volcianis vel Volcianorum cum istis collatione luce dilucidius elucescit, Volcium, quando supra recitatam periodum vel lædoriā in chartam retulit, in animo habuisse, atque adeo animo respexisse Cambilhonicam de carnificinis subterraneis criminationē. Quid Volcius? Mira prorsus, & tot mendaciis ac contumeliis inuoluta, vt priorem criminationem, quam effudit, non abs se amoliri, sed nouis iisque triplicatis, quadruplicatis, vel etiam quintuplicatis calumniis adaugere voluerit.

Occinit Prædicans: *Talia de nobis publice scripta & prius literis mandata esse, quàm Cambilhon Augustam venerit, suamque Relationem Prædicantibus tradiderit: sibi eius, quod asseruit, probandi testes non deesse, producitque Germaniam, Galliam, Angliam, Poloniam, Daniā & Rempublicam Venetam: item Catechismum Iesuiticum, Speculum Iesuiticum, Iconismum Iesuiticum Anno 1596. euulgatum. Actionem Arnoldi, Antiphilippicam aduersus Philippicam Iacobi Syluani: Et Historiam Ordinis Iesuitici.*

Respondeo I. non esse quæstionem, quid alij de Iesuitis sparserint; sed num Volcius verè de Iesuiticis subterraneis carnificinis id, quod scripsit, scripserit: Et an nō calumniam

niam istam à Cambilhono. seruatis prope-
modum Cambilhonicis verbis; acceperit.
In hoc quæstio versatur. Tu cur extra oleas
salis, & extra propositum de integro nouas
criminationes nectis, nisi quia in crimina-
tionibus omnem spem ac præsidium causæ
tuæ ponis?

Respondeo II. Si tot testes tibi suppe-
runt, quot nominas, cò minus recusare de-
bebas, quod à te flagitaueram, videlicet, vt
hanc accusationem de specubus subterra-
neis, spelunca semihominis Caci longè re-
trioribus, ac immanioribus, iuris viâ ac
formâ obseruata, ad amplissimum Augu-
stanæ vrbis Senatum, vel ad illustrissimum
& Reuerendissimum Episcopum abs te le-
gitimè probandum deferres, neq; enim hos
iudices, hoc in casu, detrectaturi eramus,
vel in posterum recusaturi sumus, quo sua
innocentiæ stet gloria, & veritati honos inta-
ctus maneat. Quid tibi factu facilius, quàm
si Germaniam, Galliam, & tot alia Regna ac
prouincias pro te & calumnia tua adstru-
enda testimonium iuridicè dicentes pro-
ducere potes. Et tamen tu restitas & renuis:
reque tam senatum, quàm Episcopum Augustanum Pol. 15.
pluris æstimare dicis. quàm vt eos huiusmodi Scho-
lasticarum & puerilium rerum delatione occupare
D 2 & mo-

& molestare veli. En quam Prædicantes famam & existimationē alienam rem leuam & vilipendendam iudicent. En quā grauiſſimas infamationes pro nihilo reputēt; & quasi pro ludo ac ioco ducant. Scilicet res leuis & puerilis est, cuiusque caussa manum non verteris: palam euulgare, in aliquibus Iesuitarum collegiū esse carnificinas & officinas lictorias, omni genere instrumentorum, quibus carnifices uti solent; probè instructas, ut equuleū, catastū, gladiū, cippū, carnificum vestimentū, & id genus aliis ad officium lictorium seu carcera-rium pertinentibus organis; quibus nostros homines terreamus, torqueamus, vinciamus, & illigemus: Et hoc probari posse testimoniū eorum, qui omnia ista viderint. Scilicet hæc de Iesuitis disseminare, ut fecit Volcius, res est exigua, & cui adesse Ioui haud vacet: Iuxta illud poetæ.

Non vacat exiguis rebus adesse Ioui.

Si aliquis Iesuitarum tale quid scripsisset de ædibus aliquorum Prædicantium Augustanorum, iam iterum totū Ministerium capita in vnum contulisset, & communi Apologia totis viribus hanc ignominia notam à se depulisset. At cum Volcius Iesuitarum collegia hoc probro ac de decore colutulat, id non ægre ferri, sed tanquam à iocante & ludente: animumque non nihil relaxare

laxare cupiente profectum, accipi debet. Quis enim tanta negotiorum mole distento Volcio crimini det, si aliquando hilaritati & remissioni det operam: adq; Iesuitarum nomen & honorem lacerandum & lancingandum; (quo ei nihil iucundius evenire potest,) digrediaturs & exspatietur?

Respondeo III. Volcium non vt præconem Euangelicum, sed vt hæreticum calumniatorem agere, cum dicit, *se sua mendacia posse probare testimonio oculatorum testium.* Qui sunt isti oculati testes, præter cœcum Cambilhonum? Quamquam Cambilhon aperte non dicit; *has à se visa.* Si tales testes excitare & proferre potes; & non feceris, via & ratione iuris legitima obseruata; *ne vnâ quidem ingenui sanguinis guttam toto in corpore tibi superesse iteratò dicâ.* Tones, fulmines, torqueas te & retorqueas, baccheris, & centurias conuiciorum despicias ac despumes; nihil moror; Hoc audire debes, quamdiu cum his tuis oculatis testibus ad competentem iudicem non accesseris, & quibus in Collegiis has tam horrificas & omnibus latomiis diriores officinas conspexerint, legitimè ostenderis. Nominas tu multos, nec homines tantum; sed & integra Regna. At ego tibi recino, nullum penitus, nullum

D 3

omni-

ominino has subterraneas carnificinas nobis affinxisse, aut à se vel ab alio visas, scriptum reliquisse. Cambilhon huius teterrimi commenti primus Auctor fuit. Et Volcius primus post Cambilhonum, propagator. Ne Hasenmüllerus quidem huiusmodi subterraneū lictoribus & carnificibus consentaneum apparatus se apud nos conspexisse scribere ausus fuit; Etsi mortalium omnium (post Cambilhonum tamen, eiusque fautores Prædicantes Augustanos, his enim primæ debentur) ad mendacia & omnem impudentiam proiectissimus.

Porro ad calumniatores, quos Volcius nominat, plura non repono, quia testimonio suo Volcianum mendacium non stabiliunt: ut iam dixi; Et plerisque iam olim copiosè responsum est; ut à me, Hasenmüller; à Richeomo in Apologetica expositione, Catechismo Iesuitico. A Francisco Montano, Arnoldo. *Speculo Iesuitico*, si fortè hoc nomine Prædicans Heilbrunnerianum indicat, à P. Matthia Mairhoffer, & à P. Conrado Vettero. Si autem per *speculum Iesuiticū* intelligit *Inuectivam* Arnaldi in Germanicum sermonem cōuersam, habet eius refutationem Gallicam & Latinam à Francisco Montano, quæ antea nominaui. *Speculum*

culum Zephyrianum, quod VVitteberga non ita pridem protulit, ita terfi & absterfi, ut si vel Zephyrius vel Volcius in id intueri posthac velit; neuter hominem, sed monstrum quoddam ex maledictis & pseudo-logiis consutum conspecturus sit.

Quem librum Germania, Gallia, Anglia, Polonia, Dania, & Veneta ditio aduersus Societatem euulgarit, ego nescio. Aliquos ex Germanis, Gallis, Anglis, &c. in Societatis nomen debacchatos esse, scio: At isti nec sunt Germania, nec Gallia, nec Anglia, nec Polonia: sed plerumq; conuiciatores & calumniatores, & libellorum famosorum architecti; quorum scripta nullius existimationem ex Iuris dispositione, laedunt; sed in Auctorum suorum capita omnem infamiae maculam referunt. De rebus Gallicanis, nimis ferò in Theatrum ascendis. Iam peroratum est: Iam dicto illo; Plausum date; cauea dimissa est. Latior fuit reuocatio, cum tantis & tam luculentis innocentiae nostrae testimoniis coniuncta, quam tristior eiectio. Et quis coaxantium ex paludibus suis Prædicantium, Volcij, & similium obstreperas & absonas voces moretur, cum ipsemet potentissimus Galliarum & Nauarræ Rex, Apologetico pro Societate in-

stituto; Innocentiam nostram publicè, fuisse & acriter tutatus fuerit? Quæ Regis oratio exstat in Apparatu Possuini nostri; V. *Societas IESV*; Et non ita pridem Germanicè excusa est Colonia; & nuperrimè itidem Herbipoli.

Præter hæc satis Apologiæ & pro innocentia nostra testimonij nobis sunt sequentia. I. Nostros in ea Gallia loca vnde expulsi fuerunt, reuocauit. II. Multa noua Collegia clarissimis in vrbibus ex fundamentis exstrui libentissimè permisit.

III. Ipsemet nouum Collegium Flexiæ Societati prædificauit, adiunctis scholis, numerosa iuuentute, literis operam dante, frequentibus.

IV. Nostros non tantum in Gallia paternè fuit, & vt Societas in amplissimo illo Regno suo propagaretur, elaborauit; sed & coloniam de nostris, Constantinopolim sumptibus suis deduxit; potestate à Turcarum Imperatore impetrata: Quo etiam quinque de societate feliciter appulerunt septimo die Septembris, Anno Redemptoris M. DC. IX. excepti amicissimè & humanissimè cum ab aliis, tum ab Illustrissimo Christianissimi Regis Legato, Domino de Salignac.

Statue-

Statuerat denique idem Rex nostros in Franciam nouam, seu Galliam Antarcticam mittere, Quod non fugit Anonymum illum calumniatorem, qui non ita pridem, Diaboli instinctu, *Spiritui immundo*, varias quæstiones dissoluendas proposuit, sub nomine Patris Cottoni: nam inter cætera quærita; hoc itidem apparet. *Quid circa missionem in Franciam nouam, & totam oram aduersæ America.* Hæc & plura huius generis aperte euincunt, potentissimum Regem, id, quod antea de Societate dispersum fuerat, calumniis accensuisse; qui certè factis tam egregiis pro Societate os loquentium iniqua obstruere potuisset, nisi infruntorum Prædicantium proteruia etiam sole meridiano dilucidiora inficiari consueuisset.

Cum Veneta Republica, quam hîc ingerit Volcius, idem Prædicantibus euenturum confido quod euenit cum Gallia. Scitis, quid nam illud? Scitis, & ingemuistis, & etiamnum recordatione tam improuisi euentus ingemiscitis.

Admordet quoq; Volcius nomen & famam *P. Henrici Garneti*. Mordeat rabiosi instar canis; citius dentes suos, quàm nomen sancti illius & inuicti Martyris confringet.

Nihil addo; quia hoc vere Colonia nobis dedit solidam & efficacem pro P. Garneto aduersus criminatores Apologiam scriptam à P. Andrea Eudæmonio anne Cydonio. In hanc suas vires, si quæ suppetunt, Volcius expromat, sed Latine; nam Cydonius longè min⁹, quàm ego, Germanicam linguam intelligit. At mitto ista, quæ Volcius extrarem inferat; tantum eo consilio vt lectores, cum aliis occupati, interea Volcij, & turpissimi sceleris ab ipso commissi, obliuiscantur.

In viam redeo. Vt se à crimine obiecto Volcius purget; occinit; *se non de omnibus collegiū locutum; sed tantum de aliquibus.* Neque ego dixi, Volcium de omnibus locutum. Sed quia non omnia, sed indefinitè, nonnulla hac infami & diabolica criminatione adspersit, ideo à crimine immunis erit? Si ego publicè scriberem; nonnullos Prædicantes ex Augustano Ministerio domi suæ *carnificinas subterraneas* habere, in quibus omnem carnificum & lictorū apparatus familiæ torquendæ & excarnificandæ asseruent; an ideo inter contumeliosos infamatōres isti me non collocarent? Imò, huiusmodi, ratione locorum, indefinita infamatio grauior esse videtur, quàm si definita esset; nam
dum

dum nullius nomen exprimitur, de omnibus suspicio oboritur; Si enim indeterminate dicerem: aliquos ex Augustano Prædicantico Ministerio esse *scortatores & adulteros*; neque signatè indicarem, qui nam his flagitiis inquinati essent; non nemo foret; cui suspicio de Volcio vel Rûlichio iniiceretur; viris alioqui integerrimis, & instar tridui infantis immaculatissimis.

Qualis autem huius Prædicantis frons & mens, cum scribere non veretur, *me in Apologia cõcedere, huiusmodi speluncas subterraneas, & talem carnificum & licitorum panopliam in aliquibus collegiis etsi non in omnibus, reperiri. Vbi pudor? Quanquam quid ego de pudore? vbi vel tenue vestigium pudoris & ingenuitatis in hoc Prædicantico pectore? Egone hoc dixi, fassus sum, scripsi; Vbi oro? Vbi? An vbi dictum, in nostris quibusdam templis sepulchra, quibus mortui conduntur, in speciem conclavis seu cameræ efformari? Atqui ex sepulchris facere eiusmodi licitorum & carnificum officinas, quales tu cum tuo Cambilhono, in Collegiis & templis nostris extruxisti, nihil aliud est, quàm in reprobum sensum datum, & à calumniatorio spiritu integrè hoc est, corpore & animo possessum esse. An in solis Iesuitarum*

Fol. 14.

rum

rū Ecclesiis huiusmodi sepulchra cernuntur? An nō in pluribus Germaniæ Templis hanc tumulorum formam reperire licet?

In Apologia rogavi Volcium & gregales eius, vt collegium Augustanum iustrarent; & propriis oculis inspicerent; num Cambilhon in sua Relatione mentitus fuerit.

Quia verò Volcius has subterraneas *car-nificum & licitorum officinas*, innuit esse nostra sepulchra; iterum iterumque rogo, vt collegium Augustanum adire, & in sepulchra illa descendere velit: Aperientur, ne dubites: & fiet descendendi copia; & vt ab omni malo tutus sis; haud grauatè ferent, Collegij Augustani incolæ, vt præsidij & securitatis causa, aliquot *sclepetarios* tibi adiungas. Si officinas huiusmodi, & talia instrumenta, repereris, renuncia mihi, statimque ad te aduolabo, & *Pradicans* fiam, & vnà mecum Interpres meus P. Conradus. Quodq; de Collegio Augustano dico, de omnibus huiusmodi sepultura vtētibus intellectum volo. Eia ergo Volci, exurge: & tandem in rem præsentem veni. At renuis. Qua de causa? *Vestigia*, inquit, *me terrent*, quo insinuat; omnia vestigia in collegia nostra *introrsum spectare*: nulla *retrosum*; vt aiebat illa

Hora-

Horatiana vulpecula: cui' verba num ideo
 vsurpat Volcius, quia vulpes est? Si iam
 paulò apertius euoluerem, quid hoc dicto
 Volcius tacitè innuat, grandem sibi iniu-
 riam irrogari clamitaret. Dic, Volci, an
 nullus vnquam Lutheranus Prædicans Col-
 legium Augustanum ingressus & egressus
 est? An nullus, qui pedem intulit, pedem
 retulit? O hypophantam, ne dicam, Syco-
 phantam: qui mentitur; *me & Interpretem
 meum P. Conradum, conscientia scelerum & male-
 ficiorum coactos, verba sua contra mentem suam de
 homicidio accepisse; cum ipse non de his, sed de sene-
 ra disciplina, qua nostros coërceamus & in ordine
 retineamus; ea protulerit*: At mentitur Prædi-
 cans; nuspiam enim dixi, nos à Volcio con-
 tumeliosis illis verbis *homicidiorum* accusa-
 ri. Et vt id dixissem, rem ipsam dixissem:
 nam Volcius illam calumniam ex Cambil-
 hono, & sensu animoque Cambilhonico
 sumpsit. At Cambilhon in specubus illis
 subterraneis non tantum carnificinas per-
 equuleos, catastas, fidiculas, & id genus alia
 instrumenta institui, sed & cædes patrari
 flagitiosissimè & improbissimè affirmat. A
 cuius ergo verbis Volcius vix abiuit, ab e-
 iusdem etiam perfido sensu non recessisse,
 meritissimò existimari potest; præsertim
 cum

cum in officinis cruciariis carnificum & li-
ctorum, vi carnificinae ita fontes crebro de-
bilitentur, vt animam exhalent. Quapro-
pter cædes vix vitari possent, si huiusmodi
carnificinarum vsus in aliquibus Collegiis
nostris vsitatus esset.

Præterea, quàm Volcius ab hac de cædi-
bus Ordini nostro impingendis cogitatio-
ne alienus fuerit, satis inde apparet, quòd
iam ex Hasenmüllero non exhorrescit pro-
iectissimè mentiri; eos qui ex societate no-
stra *fugam meditantur vel capi, vel rota, vel igne,*
vel aqua, vel fure, vel veneno tolli. Scilicet illi, qui
hæc ex infamatorio libro in suas chartas
transcribere religioni non habet, ingens
iniuria irrogatur; si verba Cambilhonica
abs se verbatim propemodum recitata, sen-
su quoq; Cambilhonico accepisse & lecto-
ribus proposuisse credatur & feratur.

Adhæc, etiamsi eo sensu, quem iam Vol-
cius comminiscitur, verba Cambilhoniana
attulisset; iure tamen, tanquam putidissi-
mus calumniator, & alienæ famæ impro-
bissimus deprædator conspui, & omnibus
diris deuoueri deberet; & reipsa debet,
propter hanc prorsus diabolicam Diaboli-
cæ suæ calumniæ explicationem: quâ verbis
turbulenti præconis referam, quæ sunt ista:

Ich red vnd beschreib daselbsten ihr strenge/ harte Disciplin/ vñ tyrannische Schulzucht/ die sie gegen ihren vndergebenen Discipulis vnd Novitiis gebrauchen / wann sie es vmb begangner Exceß willen / oder da sie sonsten verdächtig worden / als möchten sie nicht Farb halten vnd außreißen / theils auch zu versuchen vnnd zu tentirn, was hinder ihnen steet (dann ein Jesulter muß ein teuffer Mann seyn / der hinan geht/wo man ihn hinschickt/auch in presentissimum vitæ periculum) in dergleichen Kercker/Gefängnuß/ Gewelb/ Klufften/ Zimmer oder Gemach/wie sie Namen haben mögen/vnder oder ob der Erden / einsperren / sie mit seltsamen schröcklichen Kleydern / vnd gräßlichen Laruen/ auch allerhand Stockmeisterische Instrumenten / vnd Sachen schrecken vnnd ängsten / stoßen vnd bloßen / daß sie nachmals keines andern Stockmeisters bedörffen.

Hæc Volcius, quæ aliâ censurâ non notabo, quàm Prædicantem istum, donec hæc legitimè & iuridicè ad legitimum & competentem iudicem detulerit, & legitimis probamentis plana testataq; fecerit, & has carnificinas in omnium conspectu argumentis suis posuerit, pro infami infamatore, proque alieni honoris & boni nominis rapacissimo fure & prædone habendum, neq;

neque dignum, cum quo ullus honestatis
 amans vllum cōsortium aut commercium
 habeat, præsertim cum scribere non vereat-
 ur, me, quæ impudentissimè de carnifici-
 nis istis fingit, *negare non posse*: imò & *fateri*.
 Et tamen cum hæc de Iesuitis mendacissi-
 mè dissipat; nihil de fama & existimatione
 eorum abs se detrahi persuadere cupit, sed
 iis, quos Volcianis labris similes lædoria-
 rum & Pseudologiærum lactucz oblectant;
 nam ij, quibus cor sapit, probè peruident,
 quanta, & quàm grauis, quàm seuerè, nisi
 legitimè probetur, punienda accusatio sit
 ista; quod Volcius palam scribit; *Iesuitas*
discipulos suos & Nouitios in specubus subterraneis,
vel etiam in locis supra terram ad hoc destinati, ex-
carnificare catastis, equuleis, fidiculis & aliis modis,
quibus fures & latrones ad malefacta prodenda co-
guntur; Et hunc in finem omnia licetorum & carni-
ficum instrumenta ac vestimenta parata in prom-
ptu haberi; & Iesuitas has licetorum & carnicum
partes obire, vt proinde alius tortura administrari
non indigeant. Hæc, inquam, accusatio quan-
 ti sit ponderis, & quàm digna, vt in eam le-
 gitimus Magistratus, veritatis eruendæ
 gratia, inquirat, nemo prudentum non
 videt.

Quapropter iterum iterum que dicam,
 nisi

nisi Volcius nominet ea Collegia, in quibus hæc tam Cyclopica facta perpetrantur (quandoquidem in aliquibus tantum collegiis ea patrari ait; & cum tam asseueranter in aliquibus ea committi scribat, sine dubio probè nouit, quæ nam sint illa aliqua collegia, & eorum nomina edere poterit) & ad legitimum suum iudicem iuridicè detulerit; & quæ in utroque iam scripto suo effusiuit, plana & dilucida reddiderit, eum pro alio non habendum affirmo, quàm pro illo, quem paulò antea descripsi. Bone Deus, quò non progreditur hæretica licentia & effrænis ac effrons petulantia: quæ hîc etiam ingerere ac renouare audet calumniã aduersus P. Schererum de Odontio Lutherano in Stiria olim Prædicante, & postea ob maleficia Græcij, Stirix Metropoli, capto, & in carcerem compacto.


Quærit ex me Volcius, Vnde nam Iesuita Græcensis cum duobus suis famulis acceperit equuleos suos, carnificis vestimenta & ensẽ maleficiorum vindicem, quibus exornatus ad captum Paulum Odontium accesserit; & ad palinodiam huius carnificum syllogismis inducere voluerit, quandoquidem videbat, se Dialecticis Syllogismis nihil efficere posse. Respondeo P. Schererium & socios eius, instrumenta illa licetoria, de quibus


E

Vol-

Volcius quærit, neq; vidisse, neq; tetigisse, neque Odontio vnquam proposuisse; sed Odontium, spermologum Volcio gemellum, ea omnia ex eadem officina protulisse, ex qua Volcius cauernas subterraneas, & omnem illum carnificum & lictorum apparatus deprompsit, nempe ex malè feriato, & ad quiduis fingendum & audendum aptissimo suo cerebro. Id ita esse testes dabo Volcio non de triuio, aut circo maximo, aut Prædicantica tribu, sed de curia & grauissimorum virorum cœtu, sanctoq; senatu. Nam cum Odontius hanc criminationem, de carnificum instrumentis, (quam in suam chartam Volcius intulit, vt cento conuiciis magis farciretur,) scripto in vulgus euulgato disseminasset: Inclytus Archiducalis Ciuitatis Græcensis in Stiria senatus, innocentia nostra, & P. Schererij aduersus conuitiatoris Odontij infamatoria blateramenta publicum testimonium, typis excusum, & impresso vrbis sigillo munitum ac corroboratum, dedit, XXVIII. Augusti Anno M. DC. VII. cuius authenticum exemplar ad me quoque peruenit: & cuius inspicere cupienti, libens volensq; monstrabo. Partem eius adscribere, operæ pretium duxi; non vt Volcium dem in ruborem;

borem; iam enim rubor eius defloruit; Sed
 vt lector veri studiosus videat, quàm infa-
 tiabile cōuiciandi & mentiendi cacoëthes
 istos Quinti Verbi ministros teneat; qui
 licet publicis Regū, Principum, Rerumpu-
 blicarum, ciuitatum & Ordinum testimo-
 niis redarguantur, prout iam sæpè factum
 est, ipsi tamen omnia susque deque habent,
 & ad id vnum incumbunt, vt vel vetera &
 iam funditus euersa mendacia paululùm
 reconcinnent, & recinant; vel certè noua
 excogitent, & in vulgus dispergant. Sed
 iam Volci vacuas fac Prædicanticas tuas
 aures, vt audias, quid de tuo Odontio, te-
 que eius in eodem sycophantandi campo
subadiuua, Senatus Græcensis sentien-
 dum iudicandumq; esse, publi-
 co diplomate senserit ac
 iudicarit.





TESTIMONIVM IN-
CLITI SENATVS GRÆ-
CENSIS IN STIRIA PRO SO-
cietate I E S V, nominatim autem pro P. Ge-
orgio Schererio, contra Odonticas
& Volcianas crimina-
tiones.

WIR Burgermeister/ Richter
vnd Rath der Fürstlichen Haupte-
stadt Grätz in Steyrmarch/ etc. Ent-
bieten allen vnnnd jeden / denen diese vnser Ge-
zeugnußschrifte zu vernemen fürbracht wirdt/
oder die es selbst lesen möchten/ was Würden/
Standes vnd Namen sie seyndt/ vnser gebühr-
liche Dienst / auch freundlichen Gruß zuuor.
Vnnnd geben denselben hietz zu vernemen:
daß/ nach dem wir in öffentlichem Rath beyein-
ander versamblet / vns fürkommen / vnd verles-
sen worden / eine zu Dresden/ durch Hierony-
mum Schügen / im verfloßnen 1603. Jahr
gedruckte

gedruckte / vnnnd von einem Sectirischen Predi-
canten Paulo Odontio, welcher Anno 1602.
seines gegen der Fürstlichen Durchleucht / vn-
serm gnädigste Herrn vnd Landsfürsten / in viel
Weg gebrauchten Vngehorsams halber / allhie
gefangen gelegen / wider etliche Herren Patres
der löblichen Societet IESV allhieigem Fürst-
lichem Collegij, außgehende Historische Erzeh-
lung / im Grund aber ein falsch vnwarhafftes
Famos vnnnd Lasterlibell / dessen Innhalt für-
nehmlichen in dreyen Puncten besteht.

Als erstlichen / welcher massen er gefänglich
eingezogen / Item / wie Christlich vnd sanfftmü-
tig er zur Bekehrung angemahnt / Drittens / wie
er vmb seiner Mißhandlung willen / ad trire-
mes verurtheilt worden. In welchem Libell er
vnzählich vil grober vnnnd offenbaren Landstü-
gen / sonderlich dieses eingeführt hat / daß nemb-
lichen in sein Predicantens wehrender Verhaff-
tung / sich etliche Patres der Societet IESV, für
Henckersbuben gebrauchen lassen / vnnnd in der
Gefängnuß die Tortur gegen ihme Predican-
ten fürnehmen wollen.

Termer / daß Herr Pater Scherer in der jens-
gen Custodia zu Hoff / darinn er Predicant ver-

hafft gelegen / eines vermeinten Verbrechen
willen / auch Tag vnd Nacht schweigen müssen/
was auch dergleichen erdichte/vnwarhafft/vnd
lästerliche Anzug mehr seynd.

Wann aber solche Laster schrift vnd Calum-
nien, eins so wol als das ander / ein öffentlicher
Falsch / Vnwarheit vnd Lügenwerck / vnd von
nirgends andern / als auß einem / mit dem Teuf-
fel besessenen Menschen / welcher von Anfang
ein Vatter aller Lügen genendt wirdt / entsprin-
gen / also haben wir zu Rettung der Christlichen
Warheit / auch zur Defendirung der Ehrwür-
digen Societet I E S V, ihres wolhergebrachten
Namens / vnd ersparten ehrlichen Lobes / in Er-
wegung / daß nicht allein von diesem vnartigen /
vnd den hochgelehrten vnnnd gottseligen Patri-
bus im wenigsten nicht zu vergleichen / vnge-
schickten Predicanten / sondern auch anderer
Orden / von seines gleichen selbst erwachsenen
Elamanten / diese ansehnliche Societet gar vn-
billich angegriffen / vnnnd dermassen vnuerdienter
Weiß / geschendet worden / daß sie alle miteinan-
der / daß wenigste / so sie wider dieselbige außgö-
ssen / zubeweisen haben / wahr sein bekennen / vnd
männiglich zu Kundt thun müssen / daß solche
Ehrabschneider / vnd ihres Nechsten guten Na-
mens

mens verleumbder / Vermög der Päpstlichen
vnd Keyserlichen Sagung/ Ordnung vñ Con-
stitutionen/ in deroselben Achte vnd Bann ge-
faßten/ auch vor mäniglichen/ so wol vom Geist-
als vorn Weltlichen Gericht / öffentlich censu-
riert/ vnd bestrafft werden können.

Wir sagen auch bey vnsern guten Ehren
vnd Ehrlichhabendem Gewissen / vnd thun sol-
ches hiemit in Krafft dessen wissentlich/ daß wir
zuuor dergleichen Geschichte / die Herrn Patres
betreffendt / in vnserer Fürstlichen Hauptstade
Grätz / niemahl nichts gehört / oder verdächt-
lich fürkommen/ wie dann er / Predicant / als
er in vnserm Rathhauß gelegen / solches nicht
verschwiegen / sondern zu seinem Behelff öffent-
lich angedeutet habē würde/ seitemahln bekand-
lich/ daß in dergleichē criminalibus causis ad
pœnarum supplementum nichts verschwi-
gen bleibt. So seynd ja die Herrn Patres vber al-
te vnserer warhafftige Befandnuß / vielmehr Ehr
vnd Titul würdig / als daß sie von vns/ als vn-
sere getrewe Geistliche Seelsorger / vnd vnver-
droßne Arbeiter in dem Weingarten des Herren
mögen beschriben werden / da sie nicht allein
vnser Stadt / vñnd ganze gemeine Bürger-
schafft mit der allein seligmachenden Catholi-
E 10 schen

schen Religion erleuchten / sonder der gangen
 Deutschen Nation mit allen freyen Künsten/
 guten Exempeln/vñ erbarn auffrechtem Wan-
 del/also ersprießlich vorgangen/daß durch ihren
 steten Fleiß / Mühe vnd Arbeit / viel ansehnli-
 cher gelehrter Leuth wordē/welche dem gemeinen
 Nutz mit sondbarer mäniglicher Satisfaction,
 so wol in Geistlich als Weltlichen Regimenten/
 Gott vñ seiner Kirchen zu sonderbarem Lob/vñ
 der gangen Christlichen Gemein augenschein-
 licher Aufserbauung fürstehen/dahero sie dann
 billich von allen Nationen respectirt / vnd von
 vnserm gnädigsten Herrn vnd Landsfürsten/
 auch andern ansehnlichen Fürsten vnd Poten-
 taten geehrt/celebriert vnd commendirt werden/
 wie auch wir / vnd ein löbliche Burgerschaft sie
 für vnserer Mehrväter vnd Zuchtmeister / rech-
 messig erkennen.

Er/Pater Scherer/ist zwar dazumahl Ihr
 Fürstl. Durchl. Erzherzogen Ferdinandi zu
 Oesterreich/rc. Hoffpredtger gewesen/den Kran-
 ken / vñnd in Todtes Nothen liggenden / so wol
 auch den Gefangenen Personen/ bey Tag vñnd
 Nachtzeit/alle mögliche Hülff erweisen/wie vns
 dessen vñnd mäniglich wol bewust / so wol der
 anderen Herren Patrum der Societatis vñ
 ben

ben vnd Wandel/ so wol an jeko/ als zuuor lange Jahr wol bekandt/niemahlen aber dergleichen Schmachreden / vnd Inzüchten von irgende einem Ehrliebhabenden Mann gehört / oder suspiciert worden.

Dahero der Durchleuchtigste Fürst vnnnd Herr/ Herr Maximiliã Pfalkgraue bey Rheynd/ Herzog in Obern vnd Nidern Bayern/ ic. eben vmb dergleichen falsch angelegte Inzüchten / vnnnd vber die Herren Patres außspargierte Eüggengedicht / mit einem Fürstlichen offnem Patent sie im Grundt/vnd mit der Warheit wider alle Klaffmäuler geschüzt vnd verthediget hat. Darneben daß das Kegergeschmaiß anders sich nicht an disen gelehrten Exemplarischen / vnd der gangen breiten Welt wolbekandten geistlichen Männern weiß zurechnen / als daß sie ihnen alles vbel vnd vnbillichs / von wegen ihres grossen Eyffers vnd Tapfferkeit / so sie in Fortpflanzung der Catholischen Religion/vnd Refurierung ihrer falschen vnnnd kegerischen Irthumben erweisen / auftragen / von dessen wegen sie einen ewigen Lob haben/ vnd werden mit nichte von solchen Gläckermeusen / die sich allein in den Schliesswinkeln / vnnnd bey der Nacht/ auffhalten/interurbirt/ic.

E 5

Habes

Habes Volci amplissimi senatus Græcensis de tuo Odontio, eiusque calumniis à te repetitis iudicium, quod recitare, & denudò euulgare volui in spem gratiæ tuæ: quā, cum priore scripto à te non obtinuerim, hac altera congressiuncula, me impetraturum spero: maximè cum pro conuersione & illuminatione mea & P. Conradi ad calcem Appendicis tuæ tam calidas preces ad Deum effundas. Crederem tamen te plus effecturum, si pro vtriusque nostrum ad Lutheranam lucem transitu, cilicium aliquot mensibus gestares; & bis cum Phariseo illo in sabbato ieiunares; & ter quot hebdomadibus disciplinam faceres: quorum omnium suscipiendorum amorem arbitror tibi iam pridem in pectus incussum esse ex lectione meorum librorum de Disciplinis: præsertim Virgidemiæ. Verum ô vale, & quidem in perpetuum. *secta Lutherana, vale. Lupi & agnès quanta fortitò obtigit, Mibi tecum discordia est. Bellua multorum es capitum, nam, quid sequar, aut quem? Sirenum voces & Circes pocula noui. Voces Sirenum, hæreseos voces sunt. Pocula Circes, hæreseos pocula sunt: Quæ, si cum sociis stultus cupidusq; bibissem sub Domina meretrice fuisset turpis & excors, more eius.*

recius, qui hanc sectam architectatus est.
Vixissem canis immundus, & amica luto, su:
quemadmodum tuus, ô Volci, Lutherus.
Tu beato Dauidi obsecutus, *desine ab ira, &*
derelinque furorem. Animum tuum syco-
phanticum & calumniatorium rege: *qui nisi*
paret, imperat, hunc freni, hunc tu compesce ca-
rena.

Laus Deo Virginique Matri.



Facultas R. P. Provincialis.

R Esponsum hoc P. IACOBI GRETSE-
RI Societatis nostrę Theologi, ad quo-
rundam Prædicantium Lutheranorum cri-
minationes, quas nuper ob refutatam
Cambilhonicam Relationem publicè dis-
seminarunt; typis mandari poterit. Ingol-
stadij 22. Iunij. M. DC. X.


THEODORVS BVSÆVS
Societatis IESV per Ger-
maniam Superiorem Provin-
cialis.

LE-



LECTORI.

A Mice Lector. Accipe & lege interea hoc ad Prædicanticas Furias Latinum Responsum. Statim subsequetur vernacula versio, in gratiam Prædicantium, præsertim Volcij, qui Germanica libentius legit, quàm latina; quia illa, quam hæc melius nouit.



ERRATA.

p. 10. v. 25. sciuerit. 32. v. 8. audax.

p. 56. v. 14. ædificauit. 57. v. 7. qua-
sita. 63. v. 25. conspectu.

In Relatione Cambilhonica p.

124. v. 25. detrachere pudit.